



**ATASSUT**

**UPA14/46-1**

**Gerhardt Petersen**

**24.04.2014**

**2015 aallarnerfigalugu ICC-mut aningaasaliissutit 2 mio. kr.-nik ilallugit Naalakkersuisut immikkoortitseqqullugit Inatsisartut aalangiiffigisassaattut siunnersuut.**

(Inatsisartunut ilaasortaq Aqqaluaq B. Egede, Inuit Ataqtigiit)

ICC-mut aningaasaliissutit ukioq 2015 aallarnerfigalugu 2 mio. Kr.-nik ilallugit Naalakkersuisut immikkoortitseqqullugit Inatsisartut aaliangiiffigisassaattut siunnersuut ATASSUT-mit imaattumik oqaaseqarfigissavarput:

ICC tassaavoq nunarsuarmioqtigiit akornanni Inuit issittormiut soqutigisaat pisinnaatitaaffiilu illersussallugit suliniuteqartuusoq. Inuit kulturiat inooqtigiinnerallu nalerput siunissarlu eqqarsaatigalugit tamakkua tamatsaaliorlugillu siuarsarneqarnissaat pillugit ICC suliniuteqartuuvoq. ATASSUT-miillu pingaartittuvarput Issittumi avatangiisinut tunngasunut politikkeqarnissaq ataavartussa q ineriartortissallugu, tamannaavorlu aamma ICC-mit pingaartinneqarluni suliniutigineqartuortoq.

Nunatsinni aammalu naggueqatitta akornanni pissutsit eqqarsaatigissagaanni, issittormiutut inissisimanerput kiisalu nunap inuiinut tunngassuteqartut eqqarsaatigalugit ICC-ip atuuffini peqataaffeqarluarnermigut piorsarsimalluarpa.

ICC aqqutigalugu inuttut pisinnaatitaaffivut allarpassuillu Naalagaaffiit Peqtigiit akornanni oqariartuutigineqartarmata sulissutigineqartarmatalu ATASSUT-miit iluarisimaarlutigu nalilertarparput.

Taamaattumik ATASSUT-miit ICC-mut tapiissutinik nalimmassaanissaq sukumiinerusumik takussutissatigut toqqammaveqarluni peqaataaffigissavarput, nukingertutulli isikkulimmik tapiissutinut ikilisaarniarnissamik siunnerfeqarneq ATASSUT-miit ilalersunnginnatsigu.



## ATASSUT INATSIARTUNI

---

Matumuuna ATASSUT-miit ilanngulugu Aningaasanut Inatsisip siorna suliarinerani akuerseqataaffigaarput ICC-mut tapiissutit ukiumut 1 mio. kr. Ilangaavigineqartut, kiisalu aamma suli ukiunut missingersuusiorfiusunut 2015-2016-2017-imullu 1 mio. kr. ilangaavigineqartassasoq.

ATASSUT-miit ICC-ip suliniutai najoqqutaralugit tapersorsorlugit tapiissuteqartarnej nalilersorneqartuassasoq, tassami ICC-ip anguniagai siunertaalu tapersorsornartuummata kiisalu issittormiunut aamma iluaqutaallutik.

Siunnersuuteqartup siunnersuutaa tamaat ATASSUT-miit malinnaaffigaarput, tassuunakkullu tunngavilersuutit pineqartut oqimaalutarlutigit, minnerunngitsumillu nunatsinni tulleriissaarineq tamaviat naleqqersuutit aamma isigalugu.

ATASSUT-miit ICC-p aningaasanik nammineq iliuusissatigit aqquteqarluni ujartuisinnaanera takussutissaqarlualereerpoq, tassami naatsorsuutit kingullit qiviraanni ICC-p tapiissutit saniatigit nammineerluni 3 mio.kr. qaangerlugit pissarsiarisimagai.

Taamatut ATASSUT-miit siunnersuumut oqaaseqarluta siunnersuut itigartillugu nalunaarutigaaarput.